

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆՈՒ

«---» հոկտեմբերի 2011թ.

N----Ա

«ԵՐԵՎԱՆԻ «ԺԱՄԱՆՑ» ՄՇԱԿՈՒԹԱՅԻՆ ԿԵՆՏՐՈՆ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԼՈՒԾԱՐՄԱՆ ՄԱՍԻՆ

Ղեկավարվելով «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 14-րդ կետով.

Երևան քաղաքի ավագանին *որոշում է.*

1. Հայաստանի Հանրապետության օրենսդրությամբ սահմանված կարգով լուծարել «Երևանի «Ժամանց» մշակութային կենտրոն» համայնքային ոչ առևտրային կազմակերպությունը (այսուհետ Կազմակերպություն):

2. Երևանի Մալաթիա-Սեբաստիա վարչական շրջանի ղեկավարին՝ սույն որոշումն ուժի մեջ մտնելուց հետո 10-օրյա ժամկետում ստեղծել լուծարային հանձնաժողով:

3. Լուծարային հանձնաժողովին՝ 3-ամսյա ժամկետում Հայաստանի Հանրապետության օրենսդրությամբ սահմանված կարգով ավարտել Կազմակերպության լուծարման գործընթացը և 20-օրյա ժամկետում լուծարումից հետո մնացած գույքը հանձնել «Երևանի քաղաքապետարանի աշխատակազմ» համայնքային կառավարչական հիմնարկի տնօրինությանը:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏԱՆ

ՏԵՂԵԿԱՆՔ -ՀԻՄՆԱՎՈՐՈՒՄ

«ԵՐԵՎԱՆԻ «ԺԱՄԱՆԳ» ՄՇԱԿՈՒԹԱՅԻՆ ԿԵՆՏՐՈՆ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԼՈՒԾԱՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

«Երևանի «Ժամանգ» մշակութային կենտրոն» համայնքային ոչ առևտրային կազմակերպությունը տեղակայված է Մալաթիա-Սեբաստիա վարչական շրջանի ղեկավարի աշխատակազմի վարչական շենքում (մեկ սենյակում): Տարիներ շարունակ կազմակերպել է Երևանի Մալաթիա-Սեբաստիա վարչական շրջանում կազմակերպվող մշակութային միջոցառումները: Մշակութային միջոցառումների կազմակերպման ժամանակ անհրաժեշտ ապրանքների և ծառայությունների ձեռքբերումը համայնքային ոչ առևտրային կազմակերպությունը պարտավոր էր իրականացնել «Գնումների մասին» Հայաստանի Հանրապետության օրենքի պահանջներին համապատասխան: Սակայն օրենքի պահանջների կիրառումը հաճախ դառնում էր անհնարին: Ներկայումս Երևանի քաղաքապետարանի գնումների կազմակերպման իրավասությունը դրված է աշխատակազմի գնումների վարչության վրա և ըստ այդմ, «Երևանի «Ժամանգ» մշակութային կենտրոն» համայնքային ոչ առևտրային կազմակերպության կողմից մշակութային միջոցառումների կազմակերպումը դառնում է անիմաստ:

2011 թվականի ընթացքում «Երևանի «Ժամանգ» մշակութային կենտրոն» համայնքային ոչ առևտրային կազմակերպությունը լիարժեք չի գործել, այլ գործունեությամբ չի զբաղվել և տարածք չունենալու հետևանքով չէր էլ կարող զբաղվել:

Այսպիսով, կազմակերպության գործունեության արդյունավետությունը շատ ցածր է եղել, որի հետևանքով անհրաժեշտություն է առաջացել լուծարել «Երևանի «Ժամանգ» մշակութային կենտրոն» համայնքային ոչ առևտրային կազմակերպությունը:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

ՏԵՂԵԿԱՆՔ

**«ԵՐԵՎԱՆԻ «ԺԱՄԱՆԳ» ՄՇԱԿՈՒԹԱՅԻՆ ԿԵՆՏՐՈՆ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅԱՆ ԼՈՒԾԱՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

«Երևանի «Ժամանգ» մշակութային կենտրոն» համայնքային ոչ առևտրային կազմակերպության լուծարման մասին Երևան քաղաքի ավագանու որոշման ընդունման կապակցությամբ այլ իրավական ակտերում փոփոխություններ և լրացումներ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

ՏԵՂԵԿԱՆՔ

**«ԵՐԵՎԱՆԻ «ԺԱՄԱՆՑ» ՄՇԱԿՈՒԹԱՅԻՆ ԿԵՆՏՐՈՆ» ՀԱՄԱՅՆՔԱՅԻՆ ՈՉ
ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԼՈՒԾԱՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ
ՄԱՍԻՆ**

«Երևանի «Ժամանց» մշակութային կենտրոն» համայնքային ոչ առևտրային կազմակերպության լուծարման մասին Երևան քաղաքի ավագանու որոշման ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ